

Zbirka medijskih objava

VladaBrckoDistrikta_kliping_dnevno,
za razdoblje 6. 4. 2021

Broj objava: 14

Internet: 2

Televizija: 4

Štampa: 8

Teme praćenja:

Vlada Brčko Distrikta: 1

Gradonačelnik: 0

Skupština Brčko: 1

Brčko: 12

Vlada Brčko Distrikta:

Internet	Naslov	Kada će konačno otpočeti odvoz otpada iz Brčkog na regionalnu deponiju u Zvornik?		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 5. 4. 2021		
	Autor	Unknown		
	Teme	Vlada Brčko Distrikta		

Skupština Brčko Distrikta:

Internet	Naslov	SBB Brčko: Dedeić izrekao niz neistina		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 5. 4. 2021		
	Autor	Unknown		
	Teme	Skupština Brčko Distrikta		

Brčko:

Televizija	Naslov	Koronavirus u BiH		
Serijski br. 1	Medij; Doseg	Radio televizija BN; , Bosna i Hercegovina	19:30	Trajanje: 3 min
	Rubrika, Datum	Dnevnik; 5. 4. 2021		
	Autor	Lukić Tatjana		
	Teme	Brčko		

Televizija	Naslov	Epidemiološka situacija u BiH		
Serijski br. 2	Medij; Doseg	Radio televizija Bosne i Hercegovine; , Bosna i Hercegovina	19:00	Trajanje: 1 min
	Rubrika, Datum	Dnevnik; 5. 4. 2021		
	Autor	Unknown		
	Teme	Brčko		

Televizija	Naslov	Koronavirus u Brčkom i Federaciji BiH		
Serijski br. 3	Medij; Doseg	Radio televizija Republike Srpske; , Bosna i Hercegovina	19:30	Trajanje: 1 min
	Rubrika, Datum	Dnevnik; 5. 4. 2021		
	Autor	Unknown		
	Teme	Brčko		

Televizija	Naslov	U BiH preminulo 66 osoba		
Serijski br. 4	Medij; Doseg	TV ALFA; , Bosna i Hercegovina	18:30	Trajanje: 1 min
	Rubrika, Datum	Dnevnik; 5. 4. 2021		
	Autor	Unknown		
	Teme	Brčko		

Štampa	Naslov	Bitka za život		
Serijski br. 5	Medij; Doseg	Večernji list; 141.611, Bosna i Hercegovina	Stranica: 1	Površina: 2.518 cm ²
	Rubrika, Datum	Aktualno; 6. 4. 2021		
	Autor	Sudar Goran		
	Teme	Brčko		

Štampa	Naslov	U BiH još 66 umrlih od koronavirusa		
Serijski br. 6	Medij; Doseg	Dnevni avaz; 50.000, Bosna i Hercegovina	Stranica: 8	Površina: 137 cm ²
	Rubrika, Datum	Teme; 6. 4. 2021		
	Autor	A. B.		
	Teme	Brčko		

Štampa	Naslov	66 preminulih u 24 sata		
Serijski br. 7	Medij; Doseg	Dnevni list; , Bosna i Hercegovina	Stranica: 12	Površina: 341 cm ²
	Rubrika, Datum	Događaji; 6. 4. 2021		
	Autor	Unknown		
	Teme	Brčko		

Štampa	Naslov	Орловима 20. поБједа		
Serijski br. 8	Medij; Doseg	Glas Srpske; , Bosna i Hercegovina	Stranica: 29	Površina: 15 cm ²
	Rubrika, Datum	Sport; 6. 4. 2021		
	Autor	Unknown		
	Teme	Brčko		

Štampa	Naslov	Ulica Ervina Salcbergera		
Serijski br. 9	Medij; Doseg	Oslobođenje; , Bosna i Hercegovina	Stranica: 9	Površina: 401 cm ²
	Rubrika, Datum	Komentari; 6. 4. 2021		
	Autor	Muharem Bazdulj		
	Teme	Brčko		

Štampa	Naslov	Produžen javni poziv		
Serijski br. 10	Medij; Doseg	Oslobođenje; , Bosna i Hercegovina	Stranica: 15	Površina: 108 cm ²
	Rubrika, Datum	Biznis i ekonomija; 6. 4. 2021		
	Autor	Unknown		
	Teme	Brčko		

Štampa	Naslov	Od slučajnog do uspješnog biznisa		
Serijski br. 11	Medij; Doseg	Oslobođenje; , Bosna i Hercegovina	Stranica: 17	Površina: 387 cm ²
	Rubrika, Datum	Biznis i ekonomija; 6. 4. 2021		
	Autor	Pendek Alema		
	Teme	Brčko		

Štampa	Naslov	Još nekoliko dana za prijave preduzeća za grant sredstva za uvođenje inovacija		
Serijski br. 12	Medij; Doseg	Poslovne novosti; , Bosna i Hercegovina	Stranica: 9	Površina: 270 cm ²
	Rubrika, Datum	ostalo; 6. 4. 2021		
	Autor	Unknown		
	Teme	Brčko		

SBB Brčko: Dedeić izrekao niz neistina

Opštinski odbor Saveza za bolju budućnost Brčko uputio je demant/saopštenje za javnost nakon gostovanja Ismeta Dedeića u emisiji "Otvoreni studio". Prenosimo u cijelosti, bez ikakvih izmjena.

Nakon gostovanja gospodina Ismeta Dedeića u emisiji „Otvoreni studio“ Radio-televizije HIT Brčko, osjećamo se dužnim da obnovimo sjećanje i iznesemo istinu kada su u pitanju njegovi navodi vezano sa Organizaciju Saveza za bolju budućnost Brčko distrikt BiH.

U korektno vođenoj emisiji od strane novinara gospodina Neđe Đurovića, gost Ismet Dedeić je izrekao niz neistina, čime je pokušao dezinformisati javnost kada je u pitanju njegov značaj i djelovanje u Savezu za bolju budućnost Brčko distrikta BiH. Sve o čemu je neargumentovano i površno govorio može se sažeti u dvije riječi: posesivnost i hvalisanje.

Radi istine, ističemo da je Organizacija Saveza za bolju budućnost Brčko distrikta BiH prvi puta učestvovala na lokalnim izborima u Brčko distriktu BiH 2012. godine sa jedinstvenom listom koju su sačinjavali kandidati SBB-a, A-SDA, Brčanske demokratske inicijative i Bošnjačke seljačke stranke. Na listi su, između ostalih, bili gospodin Halil Ljuca ispred stranke A-SDA, gospodin Salem Bašić ispred Bošnjačke seljačke stranke te gospodin Enes Pašalić ispred Brčanske demokratske inicijative. Nosilac liste je bio gospodin dr. Idriz Karamujić, dok gospodin Dedeić nije ni bio na listi, jer mu je u to vrijeme trajala zabrana pristupa javnim institucijama u Brčko distriktu BiH izrečena od strane Supervizora, a hvali se izbornim rezultatom i pripisuje ga sebi.

Lista Saveza za bolju budućnost Brčko distrikta BiH je 2012. godine osvojila 4.446 glasova, odnosno 3 mandata, a dobili su ih Halil Ljuca, Idriz Karamujić i Enes Pašalić.


Organizacija Saveza za bolju budućnost se pojavljuje na izborima 2016. godine samostalno, a po prvi puta na listi i predsjednik kao nosilac liste i šef Izbornog štaba gospodin Ismet Dedeić. Izborni rezultat i volja birača je bila da svoje povjerenje daju gospodinu Halilu Ljuci i gospodinu Šemsi Sakoviću, dok gospodin Ismet Dedeić, iako nosilac liste i predsjednik, nije dobio potreban broj glasova da bi osigurao mandat u Skupštini Brčko distrikta BiH.

Lista Saveza za bolju budućnost 2016. godine je osvojila 2.049 glasova, odnosno 2 mandata, što je u procentima 53,9 % manje glasova nego na lokalnim izborima 2012. godine. Ta činjenica je, s obzirom na Odluku predsjedništva SBB BiH, vezano za izborni neuspjeh, obavezivala gospodina Ismeta Dedeića da podnese ostavku na mjesto predsjednika organizacije SBB Brčko, što je posredno i učinio, a ne kako je prezentirao da je on svojom voljom otišao sa mjesta Predsjednika SBB Brčko distrikta BiH.

Na Lokalnim izborima 2020. godine, kada je gospodin Ismet Dedeić vodio kampanju protiv SBB-a a za račun politika koje su ga i dovele na mjesto direktora Zavoda za planiranje, projektovanje i razvoj a suprotno Zakonu, SBB je ostvario 26 % više glasova u odnosu na 2016. godinu kada je on bio nosilac liste. To dovoljno govori o njegovom političkom rejtingu i političkom značaju u Savezu za Bolju Budućnost Brčko distrikta BiH.

Rečenica gospodina Ismeta Dedeića „Zašto je SBB svako htio dok sam ja bio na čelu te stranke?“ nedvosmisleno govori da je gospodin Dedeić bio i ostao poželjan partner nekim uticajnim članovima brčanskih političkih subjekata koji baštine isti vrijednosni sistem, odnosno imaju iste motive za bavljenje politikom, a u tim motivima, na žalost, niti je bilo niti ima interesa građana. To su građani prepoznali te mu nikada nisu dali svoje povjerenje.

Kada će konačno otpočeti odvoz otpada iz Brčkog na regionalnu deponiju u Zvornik?



Mjesna zajednica Ilička na svojoj facebook stranici postavila je pitanje, koje je uputila i nadležnima,

kada će konačno otpočeti odvoz otpada iz **Brčkog** na regionalnu deponiju u Zvornik?

Naime, upoznati smo sa kompletnom problematikom oko izmještanja postojeće, po svim mogućim kriterijumima divlje i nelegalne deponije, koja bi u prelaznom periodu trebalo da služi kao pretovarno mjesto, gdje bi se otpad sa kompletne teritorije **Brčko** distrikta presovao i utovarao u posebne kontejnere, te tako upakovan odvezio, opet posebnim vozilima, na regionalnu deponiju sa kojom je potpisan ugovor, a radi se o zvorničkom deponiji. Odvoz bi trebalo da traje do izgradnje Centra za upravljanje otpadom na teritoriji **Brčko** distrikta. Upoznati smo i sa određenim pomacima u nabavci vozila i pretovarne stanice, kao i sa obaranjem tendera na nivou **BiH**, što građane **Brčkog**, a posebno mještane naselja u okolini deponije, ne bi trebalo da interesuje i zbog čega ne bi trebali da pate još jedno ljeto, te vam s tim u vezi postavljamo samo jedno konkretno pitanje na koje očekujemo hitan odgovor.

Na upit Otiska, iz Odjela za komunalne poslove **Vlade Brčko distrikta BiH** su odgovorili :


Odjeljenje je nabavilo neophodna vozila za transport komunalnog otpada na regionalno odlagalište „Crni Vrh“ u Zvorniku (tegljač i dvije samokompaktirajuće prikolice). Takođe, završene su aktivnosti oko izrade investiciono tehničke dokumentacije, pribavljanja Odobrenja za građenje, tenderisanje i odabir najpovoljnijeg ponuđača za radove na izgradnji pretovarne stanice (rampe) sa koje bi se vršio pretovar komunalnog otpada u navedene samokompaktirajuće prikolice. Obzirom da su navedene predradnje završene, očekujemo skorašnje uvođenje odabranog izvođača radova u posao. Nakon izgradnje pretovarne stanice (rampe) steći će se neophodni uslovi za transport otpada prema regionalnom odlagalištu „Crni Vrh“ u Zvorniku.

Odgovor je stigao i **MZ** Ilička.


Koronavirus u BiH




Epidemiološka situacija u BiH



Koronavirus u **Brčkom** i Federaciji BiH



U BiH preminulo 66 osoba





REPORTAŽA IZ COVID ODJELA OPĆE BOLNICE U SARAJEVU

BITKA ZA ŽIVOT



- Na tri kata Opće bolnice od koronavirusa liječi se više od 180 pacijenata, sedam je na respiratoru
- U drugu bolnicu – KCUS upali tužitelji kako bi provjerili jesu li "Malina respiratori" smrtonosni **str. 2, 8 - 9**

Dok se u BiH i dalje bilježi visoka smrtnost uslijed zaraze koronavirusom, obišli smo COVID odjel Opće bolnice u Sarajevu na kojem su smješteni oboljeli. S druge strane, tužitelji Sarajevske županije upali su u KCU Sarajevo nakon anonimnog pisma

liječnika u kojem upozoravaju na smrtonosne "Malina respiratore". - To pismo nije upućeno meni, anonimno je i nije relevantno. Pismo nema potpisnike, govori se o nepoznatim stvarima - kazala je Sebića Izetbegović, ravnateljica Kliničkog centra

Univerziteta u Sarajevu. I dok Federaciju potresa afera "Respiratori", u domove zdravlja diljem Republike Srpske jučer je upućeno 20.000 doza cjepiva u cilju nastavka cijepljenja stanovništva u tom entitetu.



SEBIJA IZETBEGOVIĆ, ravnateljica Kliničkog centra Univerziteta u Sarajevu (KCUS): Počeli smo razgovarati o prvom pismu, koje je predmet policijske istrage i tražit ćemo policijsku istragu. To pismo nije upućeno meni, anonimno je i nije relevantno

KORONAVIRUS U BIH ZASJENILI DOGAĐAJI NA KCUS-U

Tužitelji SŽ-a nakon tvrdnji u pismu liječnika upali u sarajevsku bolnicu

Goran Sudar

Loše vijesti ne prestaju prizivati. Naime, jučer je objavljen podatak kako je u Bosni i Hercegovini u 24 sata preminulo 66 osoba, dok je novozaraženih koronavirusom 636. Testirana su čak 3393 uzorka. Zavodu za javno zdravstvo Federacije BiH jučer je prijavljeno 2729 uzoraka, od kojih su 433 pozitivna na SARS-CoV-2. U Republici Srpskoj izvršeno je testiranje 639 laboratorijskih uzoraka, a koronavirus potvrđen je kod 179 osoba. Institutu za javno zdravstvo RS-a od jučer je prijavljen 21 smrtni slučaj. Jučer su u Distriktu Brčko registrirana 24 nova slučaja zaraze koronavirusom, a testirano je 25 uzoraka. Preminule su tri osobe, dok je oporavljeno 40 pacijenata.

Međutim, cijelu ovu priču oko epidemiološke situacije u BiH zasjenila je druga i mnogo ozbiljnija priča oko famoznog pisma i internog dopisa, čiji su sadržaji objavljeni u pojedinim medijima pa su izazvali niz reakcija na različitim razinama. Ukratko, u javnosti su počeli cirkulirati ozbiljni navodi o respiratorima nabavljenim preko tvrtke "Srebrna malina", nakon što je objavljeno pismo skupine liječnika Univerzitetskog kliničkog centra Sarajevo u kojem se upozorava kako su izgledi da pacijent preživi na tim respiratorima nikakvi. Zbog svega toga ravnateljica Kliničkog centra Univerziteta u Sarajevu (KCUS) Sebija Izetbegović sastala se jučer ujutro u Ministarstvu zdravstva SŽ-a s ministrom Harisom Vranićem, a sastanku je nazočio i premijer SŽ-a Edin Forto.

Ministar Vranić je nakon sastanka s ravnateljicom KCUS-a Sebijom Izetbegović kazao kako je razgovor trajao dulje od dva sata i da je na trenutke bio jako

žustar. Nakon sastanka iz Vlade SŽ-a je rečeno kako su tražili da inspekcija uđe u KCUS, da se formira stručno tijelo iz Federalnog ministarstva i Vlade u koje bi ušli svi suosnivači kako bi se utvrdile činjenice, a bilo je govora i o famoznim pismima. Premijer SŽ-a Edin Forto kazao je kako je ravnateljica Sebija Izetbegović odbila sve njihove zahtjeve.

- Mi smo tražili da se o korištenju spornih respiratora formira stručno tijelo od Vlade FBiH i Federalnog ministarstva kako bi se ustanovile stvarne činjenice o onome što s KCUS-a tvrde, ali svi su naši zahtjevi odbijeni - kazao je Forto. Sebija Izetbegović, ravnateljica Kliničkog centra Univerziteta u Sarajevu (KCUS), jučer se obratila medijima nakon što je imala sastanak s Harisom Vranićem, ministrom zdravstva Sarajevske županije.

- Počeli smo razgovarati o prvom pismu, koje je predmet policijske istrage i tražit ćemo policijsku istragu. To pismo nije upućeno meni, anonimno je i nije relevantno. Pismo nema potpisnike, govori se o nepoznatim stvarima. Tužit ćemo sve portale koji su mahali tim pismom - kazala je Izetbegović.

- Drugo pismo je međukolegijalni dopis, nije bilo adresirano meni, nisam ga vidjela,

ali doznala sam od kolega da su sazvali sastanak i dogovorili formiranje radnih skupinama, da sve probleme rješavaju jedan po jedan u radnim skupinama - potvrdila je ravnateljica KCUS-a Sebija Izetbegović. Tijekom jučerašnjeg dana glavna tužiteljica Tužiteljstva BiH Gordana Tadić, sa suradnicima, sastala se s glavnom tužiteljicom Županijskog tužiteljstva Sarajevske županije Sabinom Sarajlijom i njezinom zamjenicom. Županijsko tužiteljstvo SŽ-a na temelju medijskih objava, sukladno svojoj nadležnosti, formiralo je predmet koji se odnosi na pismo liječnika s KCUS-a o uporabivosti respiratora u liječenju pacijenata u KCUS-u, o teškim posljedicama na zdravlje i život pacijenata, kao i drugim problemima u funkcioniranju tzv. COVID odjela, u kojem će postupati u sljedećem razdoblju. Zbog svega toga, jučer su oko 17 sati predstavnici Tužiteljstva SŽ-a upali u Klinički centar Univerziteta u Sarajevu.

Na kraju valja istaknuti i to kako je tijekom jučerašnjeg dana domovima zdravlja diljem Republike Srpske upućeno 20.000 doza cjepiva, među kojima su cjepiva Sinovac Biotech, AstraZeneca i Pfizer, a u cilju nastavka cijepljenja stanovništva u Republici Srpskoj, priopćeno je jučer iz Vlade RS-a.



REPORTAŽA IZ COVID ODJELA

Bili smo u Općoj bolnici u Sarajevu

Dok obilazimo pacijente, mnogi se bore za svaki udisaj, no nitko se ne predaje...

U PRATNJI BOLNIČKOG OSOBLJA

ulazimo u
sobe, neki
su pacijenti
bolje, čak
mogu i ustati,
prohodati,
mobitelom se
čuti sa svojim
najmilijima.
Drugi sjede, ali
dišu uz potporu
kisikom.
No, nitko ne
odustaje,
njihovi su
pogledi puni
nade. Nade u
ozdravljenje.
I bolje sutra...



I mi oblačimo zaštitna
odijela, dobivamo dvije
maske, duple rukavice,
vizire. Teret je velik...

Piše: Ivana Brkić-Čubela
Snimio: Armin Durgut/PIXSELL


Kada su nam iz Opće bolnice "Prim. dr. Abdulah Nakaš" u Sarajevu pozitivno odgovorili na naš upit da napravimo reportažu iz COVID odjela, u isto smo vrijeme bili i uzbuđeni, ali i pomalo preplašeni. Iako smo u dugogodišnjem novinarskom i fotoreporterskom poslu bili na bezbroj događaja, tužnih, sretnih, tragičnih..., odlazak na "ratište" na kojem se s koronavirusom, nevidljivim neprijateljem, već dulje od godinu dana na prvoj crti bore zdravstveni djelatnici diljem BiH, za Pixsellova je fotoreportera bio nešto posebno.

Nada u ozdravljenje


Prije nego što smo pošli u obilazak triju katora na kojima su smješteni pacijenti zaraženi koronavirusom, ljubazno medicinsko osoblje bolnice pripremalo nas je pomažući nam odjenuti zaštitnu opremu.

Valjalo je na sebe navući zaštitno odijelo, dvije maske, dvoje rukavice, vizir... Trajalo je to punih pola sata. A pod tim teretom, vjerujte, nije lako disati. Nismo mogli, a ne pomisliti kako je liječnicima i medicinarima koji cijelu, šestosatnu smjenu, kada se obuku i pripreme za boravak s pacijentima u COVID odjelu, doslovce ne mogu ni jesti, ni piti, pa ni otići u toalet.

U pratnji osoblja ulazimo u sobe, neki su pacijenti bolje, čak mogu i ustati, prohodati, mobitelom se čuti sa svojim najmilijima. Drugi sjede, ali dišu uz potporu kisikom. No, nitko ne odustaje, njihovi su pogledi puni nade. Nade u ozdravljenje. I bolje sutra. Treći se pak bore za život. Neki danima, pa i tjednima. I upravo to je, kažu nam liječnici i medicinari, najgore - kada gledaju borbu pacijenta za svaki udisaj. A neki od njih, nažalost, ne uspiju se izboriti sa smrtonosnim virusom. Bolest, kažu nam liječnici, ne bira. Podjednako obolijevaju i stariji i mladi. I svima njima borba s koronavirusom je



OD UKUPNO 187 pacijenata na bolničkom liječenju u COVID odjelu ove zdravstvene ustanove, 12 je na poslijeintenzivnoj njezi, 10 na intenzivnoj...





GROBLJE VLAKOVO
– potresne fotografije snimljene iz zraka svjedoče o zastrašujućem broju umrlih uslijed zaraze

Sestosatna smjena medicinskom osoblju prođe bez jela, pića, pa i odlaska u toalet



Naš obilazak bolničkoga COVID odjela trajao je nešto dulje od sat vremena



poput ruskog ruleta. Nikad se ne zna tko će izgubiti bitku za život. U obilasku bolničkoga COVID odjela posebice nas se dojmila požrtvornost liječnika i medicinara. Medicinsko osoblje, od prvoga do posljednjeg, stalno je uz pacijente. Prate vitalne parametre, daju terapiju... Opreme i lijekova ne nedostaje.

Sedmero na respiratoru

Naš posjet COVID odjelu trajao je nešto dulje od sat vremena. Na odlasku zahvaljujemo bolničkom osoblju što nam je omogućen obilazak, a ono nas ispraća uz najnoviju koronastatistiku koja govori kako je u posljednja 24 sata u COVID odjel Opće bolnice primljeno 17 pacijenata, a 22 su otpušteni kući (veselimo se podatku da je broj oporavljenih veći od novohospitaliziranih, nap. a.). Od ukupno 187 pacijenata, koliko ih je bilo u ponedjeljak ujutro na bolničkom liječenju u COVID odjelu ove zdravstvene ustanove, 12 je smješteno na poslijehospitalnu njegu, 10 je na intenzivnoj njezi, sedam na respiratoru te osam na neinvazivnoj mehaničkoj ventilaciji. Nažalost, u istome je razdoblju zabilježen i jedan smrtni ishod od posljedica koronavirusa. Na povratku u redakciju svraćamo i do sarajevskoga groblja Vlakovno. Tamo već godinama nije bilo tužnije. Brojni grobovi nijemo pričaju priču o desecima izgubljenih života. Mnogi su otišli prerano. Pobijedio ih je nevidljivi neprijatelj...



MEDICINSKO OSOBLJE, od prvoga do posljednjeg, stalno je uz pacijente. Prate vitalne parametre, daju terapiju...





Novi izvještaji bh. zdravstvenih ustanova

U BiH još 66 umrlih od koronavirusa

U entitetskim zavodima i u **Brčkom** obavljena 3.393 testiranja

U BiH je preminulo još 66 pacijenata koji su liječeni od infekcije koronavirusom. Od ukupno

3.393 testirane osobe 636 je bilo pozitivno na COVID-19.

Zavodu za javno zdrav-

stvo FBiH prijavljena su 42 smrtna ishoda. Od 2.729 laboratorijskih uzoraka, 433 su bila pozitivna na SARS-CoV-2, a novi slučajevi registrirani su u USK, SBK, HNK, PK, TK, KS i Zeničko-dobojskom kantonu.

Na području RS preminula je 21 osoba, a od 639 testiranih uzoraka prisustvo virusa potvrđeno je u 179 slučajeva, među kojima je osam osoba mlađe životne dobi.

U Distriktu **Brčko** pre-

Statistike

- **Kanton Sarajevo** - 174 pozitivnih, 14 preminulih
- **Tuzlanski kanton** - 50 pozitivnih, 11 preminulih
- **Banja Luka** - 68 pozitivnih, 4 preminulih
- **Han-Pijesak** - 0 pozitivnih, 3 preminulih
- **Bužim** - 2 pozitivnih, 0 preminulih

minule su tri osobe, a potvrđena su 24 nova slučaja zaraze.

Al. B.



Evidentirano 636 novozaraženih



Korona u brojkama 66 preminulih u 24 sata



MOSTAR - Zavod za javno zdravstvo Federacije BiH objavio je u ponedjeljak prijepodne da su, od posljednjeg izvješća o epidemiološkoj situaciji, prijavljeni rezultati laboratorijskog testiranja 2.729 uzoraka, od kojih su 433 bila pozitivna na SARS-CoV-2. Novi slučajevi zaraze korona virusom zabilježeni su u Unsko-sanskoj, Srednjobosanskoj, Hercegovačko-neretvanskoj, Posavskoj, Tuzlanskoj, Zeničko-dobojskoj i Sarajevskoj županiji. Uz napomenu da, zbog nepotpunog izvještavanja privatnih laboratorija, podaci od ponedjeljka nisu kompletirani, Zavod dodaje da su mu prijavljena i 42 nova smrtna ishoda te je, s jučerašnjim danom, ukupan broj smrtnih ishoda na području FBiH iznosio 3.931. Do sada je u ovom bh. entitetu testirano ukupno 558.749 uzoraka, a SARS-CoV-2 je potvrđen kod 115.955 osoba. Zaključno s jučerašnjim danom, u FBiH je izliječeno 90.820 pacijenata dok su aktivna bila 21.204 slučaja zaraze. Jučer su u Brčko Distriktu BiH registrirana 24 nova slučaja zaraze virusom korona, a od posljedica zaraze ovim virusom preminule su tri osobe.

Prosvjetni radnici u SŽ-u se neće vraćati u škole dok ne budu cijepljeni

Prosvjetni radnici u Sarajevskoj županiji (SŽ) neće se vraćati u škole dok ne budu cijepljeni, tj. ponovno cijepljeni, i to će biti jedan od njihovih uvjeta. Ljudi moraju biti zaštićeni kako bi mogli raditi, poručio je u izjavi za Fenu predsjednik Samostalnog sindikata osnovnog obrazovanja i odgoja SŽ-a Saudin Sivro.

"Samostalni sindikat osnovnog obrazovanja i odgoja FBiH - Županijski odbor Sarajevske županije je u prethodnom periodu ukazivao na određene stvari, tražio testiranje prosvjetnih radnika prilikom organizacije nastave u školama, predlagao određena rješenja, tražio potpuno zatvaranje škola, jer smo pretpostavili da će desiti ovo što je najgore, a to je da se veliki broj ljudi zbog

Covid-19 ne izbori za život", naveo je Sivro i podsjetio da je Sindikat 2. travnja uputio ministru zdravstva SŽ-a Harisu Vraniću zahtjev za uvrštavanje prosvjetnih radnika na listu prioriteta za cijepljenje protiv Covid-19. "Bude li se nastavni proces normalizirao, naš vjet će biti da prosvjetni radnici koji budu nastavili raditi moraju biti cijepljeni", poručio je Sivro.

Zdravstvene ustanove na području Zeničko-dobojske županije (ZDŽ) su u prva tri mjeseca 2021. godine (siječanj-ožujak) registrirale 398 umrlih osoba, čija je smrt registrirana kao posljedica oboljenja Covid-19, što je gotovo jednako ukupnom broju preminulih u prošloj, 2020. godini. Naime, prošle godine je zabilježena smrt 424 osobe, podaci su Instituta za zdravlje i sigurnost hrane Zenica (INZ). To znači da su, od početka pandemije u toj županiji, preminule 822 osobe.

Trivić: Ako se situacija stabilizira, svi učenici u klopama od ponedjeljka

Ministrica prosvjete i kulture RS-a Natalija Trivić rekla je za RTRS da će se, bude li se epidemiološka situacija stabilizirala, učenici viših razreda osnovnih škola i srednjoškolci od idućeg ponedjeljka vratiti u školske klupe. Ministrica je podsjetila i da je Republički štab za vanredne situacije odlučio da se učenici nižih razreda u školu vraćaju danas kao i da će od danas u funkciji biti i produženi boravak. Kada je riječ o trajanju školskog sata i objedinjavanju odjela, Trivić je pojasnila da je jedini razlog zašto sati ne traju 45 minuta nemogućnost osiguravanja fizičke distance u punim odjelima.

Od jučer je u RS-u ponovno dozvoljen rad ljetnih bašti ugostiteljskih objekata, kao i rad trgovačkih centara i poslovnih subjekata koji posluju u njima, uz strogo poštivanje mjera nadležnih u svjetlu epidemiološke situacije.

U RS-u je testirano 639 uzoraka, a pozitivno je bilo 179 osoba. U tom entitetu u 24 sata preminula je 21 osoba od posljedica korona virusa.



Орловима 20. побједа

БРЧКО - Кошаркашице Орлова уписале су 20 побједу у Лиги БиХ након гостујућег славља над Брчанком са 88:43. Бањалучанке су задржале прво мјесто, а Теодора Требовац и Драгана Домузин убациле су по 14 поена.



Ulica Ervina Salcbergera

Tu knjigu mi je poklonio jedan od njenih autora, moj drug Danilo Šarenac. Osim njega, autorica knjige je i Ivana Pantelić. Knjiga se zove "Dve polovine sećanja" i nosi podnaslov "Partizanski dnevnik kao izvor za istoriju Drugog svetskog rata". Knjiga je objavljena 2013. godine, u izdanju beogradskog Instituta za savremenu istoriju, u tiražu od tri stotine primjeraka. Sastoji se od dnevnika Ervina Salcbergera i njegove buduće supruge Lee Abinun (kasnije Salcberger) koje su i komentari priredili Danilo Šarenac i Ivana Pantelić. I Ervin i Lea spadaju u skoro nestali sarajevski jevrejski svijet, a gotovo da simbolički predstavljaju dva njegova pola. Lea je rođena u Sarajevu, u sefardskoj porodici, kćerka fotografa i domaćice, dok se Ervin rodio na Palama, kao dijete aškenaske porodice, oca Leopolda i majke Katiche (djevojački Blau). On je rođen 1912, a ona godinu kasnije.

Znali su se i prije rata, a već je postojala, kako se vidi, i međusobna simpatija. Salcberger je nakon završene Realne gimnazije pohađao takođe i mašinski odsjek Tehničke škole. Radio je kao tehničar Uprave tramvaja u Sarajevu, a po-

sebnu pažnju na sebe je privukao već kao dvadesetogodišnjak, kod prvog pokušaja uvođenja trolejbuskog saobraćaja u Sarajevo. Ideju je dao Mustafa Slipičević, inženjer i direktor sarajevske Električne centrale, a razrađivali su je Salcberger i Zdenko Badovinac. (O ovome je u našem listu u februaru 1984. godine pisao Dinko Omeragić.) Ervin je imao dvojicu braće: Alfreda i Aleksandra, a obojicu su ubile ustaše još na početku okupacije: Alfreda u Jasenovcu, a Aleksandra u okolini Sarajeva. Ervina je spasio odlazak u partizane. Najprije je borac Igmanskog odreda, a nešto kasnije Semizovačkog. U Šestoistočno-bosanskoj brigadi počinje njegov uspon u partizanskoj hijerarhiji od običnog borca naviše. Tu mu je pomogla njegova tehnička vještina, odnosno konkretna situacija kad je na Majevici, tokom bitke sa četnicima, popravio neispravan minobacač. Prije kraja 1942. godine Salcberger je već napredovao do komandanta čete. Početkom iduće godine prebolovao je pjegavi tifus. Kasnije iste godine uključuje se u Petnaestu majevičku udarnu brigadu. Karakteristika ove jedinice je izrazita mladost boračkog kadra (prosječna dob od osamnaest godina), pa se on kao trideset-



Piše: MUHAREM BAZDULJ

tjednogodišnjak ukazuje skoro kao veteran. U tom smislu valjda i nije neobično da je postavljen za komandanta bataljona.

Kad se u septembru 1943. godine, u selu Bukvik u blizini Brčkog, formira Šesnaesta muslimanska brigada, to je unutar NOB-a predstavljalo pokušaj privlačenja većeg broja muslimanskih boraca u partizansku vojsku. U decembru te godine Salcberger postaje načelnik štaba ove brigade. To je bila pozicija pomoćnika komandanta zaduženog za koordinaciju svih dijelova jedinice. Dnevnik koji je vodio od aprila do septembra 1944. godine jedan je od najvažnijih primarnih izvora o ratnom putu ove brigade. Kako bilježi Šarenac: "Važno je istaći da je Ervin Salcberger, Jevrejin, zauzimao visoku poziciju upravo u jednoj brigadi sa nacionalnim predznakom bosanskih muslimana. Očigledno, time se i u praksi manifestovala etnička i verska trpeljivost, jedno od suštinskih načela partizanskog pokreta". Za Salcbergera je pravi rat, onaj s direktnom borbom na terenu, završen upravo uz borce Šesnaeste muslimanske. Kao talentovan i sposoban oficir, 1945. najprije biva po-

stavljen za komandanta Vojne škole trećeg korpusa, a zatim i sam odlazi na usavršavanje u Višu oficirsku artiljerijsku školu Crvene armije u Leningradu. Bio je visoki oficir u JNA sve do penzionisanja 1964, nosilac Partizanske spomenice te Spomen-plakete grada Sarajeva 1965. Umro je u ljeto 1995, kad su u krvi konačno nestajali svaki tragovi onoga za šta se borio. Sahrnjen je 3. augusta na Jevrejskom groblju u Beogradu.

Današnji je dan, šesti april, Dan oslobođenja grada Sarajeva u Drugom svjetskom ratu i datum koji je višestruko vezan za historiju grada. U velikoj operaciji oslobođenja, jer su Nijemci i ustaše žestoko branili Sarajevo, pošto im je bilo važno zbog pravca izvlačenja snaga sa juga prema sjeveru, učestvovalo je nekoliko partizanskih brigada, a u sam grad je najprije ušla Šesnaesta muslimanska, koja se preko Vratnika i Kovača spustila na Bašaršiju. Najveće žrtve endehazijske okupacije Sarajeva bili su sarajevski Jevreji, a jedan od njih je tokom najvećeg dijela njenog postojanja bio načelnik štaba Šesnaeste muslimanske, brigade koja se borila i protiv Nijemaca, i protiv ustaša, i protiv četnika, i protiv pripadnika Handžar-divizije. U Sarajevu se često potencira angažman nekih jevrejskih intelektualaca u korist Sarajeva i Bosne Hercegovine tokom rata devedesetih, ali postoje u našoj historiji i stariji i ljepši primjeri važnosti angažmana pojedinih Jevreja u borbi za Sarajevo, rame uz rame sa ostalim Bosancima, bosanskim muslimanima, ali i Srbima i Hrvatima i ostalima. U gradu u kojem se svako malo potencira problem sa ovim ili onim imenom ulice, vrijedi makar ovako, na novinskom papiru i digitalnoj medijskoj adresi kazati da je Ervin Salcberger zaslužio "svoju" ulicu, zasigurno mnogo više od nekih koji je imaju.

Danas je Dan oslobođenja Sarajeva pa se vrijedi prisjetiti pravih heroja. U gradu koji si je dopustio da se u njemu na jevrejskim smrtovnicama crtaju kukasti krstovi treba prizvati sjećanje na Jevreja koji je bio načelnik štaba XVI muslimanske brigade




Produžen javni poziv

Agencija za razvoj preduzeća Eda je u saradnji sa Ministarstvom privrede i preduzetništva Republike Srpske i Gradskom razvojnom agencijom CIDEA, u okviru projekta SBA u BiH, raspisala javni poziv za dostavljanje prijava za uvođenje inovacija u MSP s područja grada Banja Luka. Također, u saradnji sa Odjeljenjem za privredni razvoj, sport i kulturu **Brčko** distrikta BiH raspisan je i javni poziv za uvođenje inovacija u MSP s područja **Brčko** distrikta BiH.

Krajnji rok za dostavljane prijava je 15. april 2021. godine, tako da je preduzećima iz Banje Luke i **Brčko** distrikta BiH ostalo još 10 dana da iskoriste ovu priliku i dostave prijave, kažu iz Agencije Eda.

Cilj javnog poziva je unapređenje konkurentnosti MSP s područja grada Banja Luka i **Brčko** distrikta BiH kroz proces uvođenja inovacija koji obezbjeđuje unapređenje postojećih ili razvoj novih proizvoda/usluga ili procesa u poslovanju.



Raspoloživi iznos za sufinansiranje konsultantskih usluga za uvođenje inovacija u MSP iz Banje Luke je 100.000 KM. Također, 100.000 KM stoji na raspolaganju i za sufinansiranje konsultantskih usluga za uvođenje inovacija u MSP iz **Brčko** distrikta. Maksimalan pojedinačni iznos sufinansiranja iz vaučer programa iznosi 14.000 KM.



Dostava po cijeloj BiH

Od slučajnog do uspješnog biznisa

Prepelet dnevno proizvede od 350 do 400 jaja
a svaki mjesec i od 500 do 1.000 prepelica

Kada je prije nekoliko godina odlučio da kupi prepelice, Adnan Ibrahimović iz Brčkog nije znao ni kako izgledaju. Naime, kako kaže, sa svim slučajno se upustio u ovu vrstu biznisa.

Sa 5 na 350

- Pored puta sam naišao na čovjeka koji prodaje kavez sa 5 prepelica i pomislio kako ne bi bilo loše da ih kupim i da imam jaja za svoje potrebe. U tom trenutku sam prvi put vidio prepelicu i uopšte nisam znao kako prepelica izgleda, vrlo lako mi je svako mogao podvaliti neku drugu vrstu ptice. Nakon toga malo sam pretraživao na internetu o jajima japanske prepelice i vidio da su stvarno kvalitetna, pa sam se odlučio da putem interneta ponudim jaja nekim svojim prijateljima koji su na moju sreću bili zainteresovani da ih kupuju, tako da sam bio primoran ojačati jato sa još prepelica, priča Adnan početke svog biznisa.

Iz početne ideje razvio se Prepelet, sad već ozbiljan biznis u kojem je Adnanu, diplomiranom ekonomisti, desna ruka supruga Almira.

- Supruga je po zanimanju nastavnica bosanskog jezika, pa iako trenutno radi u jednoj osnovnoj školi, bez stalnog zaposlenja. Stoga smo odlučili uzeti stvar u svoje ruke i pokrenuti vlastiti biznis sa kojim možemo biti i više nego zadovoljni, kaže nam Adnan.

Da iza Prepeleta stoji jedan mladi i ambiciozni bračni par, govori i podatak da su počeli sa pet, a danas imaju 350 prepelica koje nose jaja.

- S obzirom na to da imam svoj inkubator kapaciteta 500 jaja, naravno imam i piliće japanske prepelice, kao i mlade prepelice koje

uskoro počinju da nose jaja i one su u izlogu za prodaju. Svaki mjesec proizvedem od 500 do 1.000 prepelica i one su isključivo za prodaju, istakao je Adnan.

Ipak, kako kaže, u početku je bilo teško uvjeriti kupce da su jaja japanske prepelice zaista zdrava i proteinski jaka.

- Dobar dio našeg stanovništva nikad nije koristio ta jaja i ne zna niti kako se koriste niti za šta su dobra. Tako da evo više od pet godina pokušavam da što više ljudi upoznam sa kvalitetom tih jaja i potaknem ih na njihovo konzumiranje, naglasio je Ibrahimović.

Dodao je i da trenutna dnevna proizvodnja nije ispod 350 jaja. Kreće se od 350 do 400 jaja svaki dan.

Što se tiče tržišta, najveći dio je u Brčkom distriktu gdje surađujem sa marketima i prodavnicama, ali i vršim besplatnu dostavu na području distrikta svim kupcima koji naruče jaja direktno sa farme. Također, jaja šaljem brzom poštom po cijeloj Bosni i Hercegovini, kazao je Ibrahimović.

Potencijal i kvalitet Prepeleta prepoznali su i ljudi iz Fondacije Mozaik.

- Saradnja sa Mozaikom mi je mnogo pomogla u svakom smislu. Od ove godine Fondacija Mozaik postala je partner u firmi Prepelet d.o.o. ulaganjem u razvoj novog proizvoda na bh. tržištu. Riječ je o peletiranom gnojivu koje se proizvodi od prepelicijeh stajnjaka. S ponosom mogu reći da smo jedini u Bosni i Hercegovini, a možda i u ovom dijelu Balkana koji proizvode tu vrstu organskog gnojiva, naglasio je Ibrahimović.

Kada su u pitanju dalji planovi, kazao je kako žele proširiti kapacitete na više od 1.000 jaja dnevno.

Planovi

- Naši planovi vežu se za teritoriju cijele BiH. Želimo svim kupcima približiti naše proizvode u njihovim gradovima. Ponuditi jaja japanske prepelice, ali i meso japanske prepelice koje je jako kvalitetno i u svijetu jako cijenjeno. Naravno, tu je i neizostavni proizvod peletirano gnojivo koje želimo izvoziti izvan granica Bosne i Hercegovine, poručio je Adnan Ibrahimović.

ALEMA PENDEK

Iako se meni činilo da sve ide sporo u samom početku, sada vidim da je zapravo išlo baš onako kako bi i trebalo da ide sa nekom novom idejom, kaže Adnan

U FOKUSU BANJALUKA I **BRČKO** DISTRIKT

Još nekoliko dana za prijave preduzeća za grant sredstva za uvođenje inovacija

Cilj javnog poziva je unaprjeđenje konkurentnosti MSP sa područja grada Banja Luka i Brčko Distrikta BiH kroz proces uvođenja inovacija koji obezbjeđuje unaprjeđenje postojećih ili razvoj novih proizvoda/usluga ili procesa u poslovanju

Agencija za razvoj preduzeća Eda je u saradnji sa Ministarstvom privrede i preduzetništva Republike Srpske i Gradskom razvojnom agencijom CIDEA, u okviru projekta SBA u Bosni i Hercegovini (BiH), raspisala javni poziv za dostavljanje prijave za uvođenje inovacija u mala i srednja preduzeća (MSP) sa područja grada Banja Luka.

Takođe, u saradnji sa Odjeljenjem za privredni razvoj, sport i kulturu **Brčko** distrikta BiH, raspisan je i javni poziv za uvođenje inovacija u MSP sa područja **Brčko** Distrikta BiH.

Krajnji rok za dostavljanje prijave je 15. aprila 2021. godine do 15.00 časova, tako da je preduzećima sa područja grada Banja Luka i **Brčko** Distrikta BiH ostalo još nekoliko dana da iskoriste ovu priliku i dostave prijave.

Cilj javnog poziva je unaprjeđenje konkurentnosti MSP sa područja grada Banja Luka i **Brčko** Distrikta BiH kroz proces uvođenja inovacija koji obezbjeđuje unaprjeđenje postojećih ili razvoj novih proizvoda/usluga ili procesa u poslovanju. Raspoloživi iznos za sufinansiranje konsultantskih usluga za uvođenje inovacija u MSP iz grada Banja Luka je 100.000 KM. Takođe, 100.000 KM stoji na raspolaganju i



Korisna pomoć

za sufinansiranje konsultantskih usluga za uvođenje inovacija u MSP iz **Brčko** Distrikta. Maksimalan pojedinačni iznos sufinansiranja iz vaučer programa iznosi 14.000 KM. Podnosioci prijave su dužni obezbijediti sufinansiranje predloženih konsultantskih usluga

iz sopstvenih izvora.

Javni pozivi su raspisani u okviru projekta "Evropski okvir za razvoj strategija i politika za mala i srednja preduzeća u Bosni i Hercegovini – SBA u BiH", koji finansira Švedska.